



**Leiðarvísir að mótun
jafnréttisstefnu hjá
Íþróttafélagi**

Jafnréttisstefna

Styrkja skal jákvæð samskipti og gagnkvæma virðingu kynjanna í öllu íþróttastarfi með börnum og unglíngum og hvetja þau til að rækta hæfileika sína og persónuþroska án hamlandi áhrifa hefðbundinna kynjaímynda.

Íþróttafélagið stuðlar að jöfnum tækifærum sinna félagsmanna og mismunar ekki vegna kynferðis, uppruna, kynhneigðar, kynvitundar, aldurs, fötlunar, þjóðernis, trúarbragða, skoðana, litarháttar eða annarrar stöðu. Íþróttafélagið leggur áherslu á gagnkvæma virðingu í öllu starfi. Niðurlægjandi framkoma svo sem einelti, ofbeldi, kynferðisleg áreitni, illt umtal og ósæmilegar vígsluathafnir er ekki liðin innan félagsins.

Í 23. grein laga um jafna stöðu og jafnan rétt kvenna og karla nr. 10 frá 2008 kemur fram að kynjasambættingar skuli gætt við alla stefnumótun þar á meðal í íþrótt- og tómsundastarfi.

Íþróttafélagið vinnur jafnréttisstefnu og fylgir henni eftir og nær jafnréttisstefnan til iðkenda, þjálfara, stjórna og starfsfólks. Stefnan gildir í allri starfsemi félagsins. Stefnan er endurskoðuð og lagfærð ef þurfa þykir.

Iðkendur

Íþróttir skipa stóran sess í uppvexti margra barna. Íþróttir stuðla að sterkri sjálfsmynd einstaklingsins, heilbrigðum lífsstíl og almennri vellíðan. Í íþróttum setja iðkendur sér markmið og fylgja þeim eftir með góðri skipulagningu og leiðsögn. Með íþróttapjálfun byggjum við upp öfluga einstaklinga sem fara af stað út í lífið með gott veganesti sem stuðlar að hreysti og heilbrigði.

Hér fyrir neðan eru fullyrðingar sem eru hugsaðar sem leiðarvísir félagsins þegar skoða á stöðu jafnréttismála innan þess. Ef svarið við fullyrðingunni er *nei* þá þarf hún endurskoðunar hjá félaginu, en ef svarið er *já* þá skoðast atriðið í lagi.

- (heiti félags) úthlutar jafn mörgum tímum til æfinga til beggja kynja sem stunda æfingar innan sömu greinar og eru á sama aldri. Já Nei
- Félagið úthlutar tíma í samræmi við aldur iðkenda og þess gætt að bæði kyn njóti þess að vera á „jafngóðum“ tíma dagsins. Já Nei
- Bæði kynin njóta sömu eða sambærilegrar aðstöðu og aðbúnaðar við æfingar. Já Nei
- Samræmi er í fjárveitingum innan félagsins til íþróttagreina eftir kynjum. Málefnaleg rök eru fyrir frávikum og þau heyra til undantekninga. Já Nei
- Þess er gætt að umfjöllun um bæði kynin og íþróttagreinar sé sem jöfnust á vefsíðum félagsins og í öllu efni sem félagið lætur frá sér fara t.d. útgáfu og fréttatilkynningum. Á þetta bæði við um texta og myndefni. Já Nei
- Fyrirmyndir eru kynntar á ígrundaðan hátt og þess gætt að þær séu af báðum kynjum og endurspegli þær áherslur sem eru hjá félaginu. Já Nei
- Félagið vinnur markvisst gegn staðalímyndum með því að leitast við að jafna kynjahlutföll meðal iðkenda hverrar íþróttagreinar fyrir sig. Á þetta við jafnt í starfi sem og allri umfjöllun um starfið. Já Nei

Leiðarvísir að mótun jafnréttisstefnu hjá íþróttafélagi

- Verðlaun til beggja kynja og innan allra greina eru sambærileg. Félagið upplýsir kostunaraðila og aðra samstarfsaðila um þá stefnu félagsins að jafnræðis skuli gætt milli kynja og greina í verðlaunum. Já Nei
- Kynin njóta sömu launa og/eða hlunninda fyrir sömu eða sambærileg störf hjá félaginu. Já Nei
- Við úthlutun úr afrekssjóðum eru upphæðir/úthlutun eftir kynjum og aldri sem jöfnust hjá félaginu. Já Nei

Þjálfarar

Allir iðkendur, óháð kyni, eiga rétt á góðum þjálfara sem hæfir getu þeirra og aldri. Nauðsynlegt er að þjálfarar beggja kynja séu vel menntaðir og hafi möguleika á að fá hæfa aðstoðarþjálfara sé þess þörf.

- Þjálfarar félagsins njóta sömu launa, óháð kyni, fyrir sömu eða sambærileg störf. Já Nei
- Þjálfarar félagsins hafa sömu tækifæri, óháð kyni, til að afla sér þekkingar, símenntunar og stunda nám sem nýtist í starfi. Já Nei

Stjórnir, ráð og nefndir

- Við skipan í nefndir, ráð og stjórnir á vegum félagsins er þess gætt að hlutfall kynjanna sé sem jafnast og endurspegli hlutfall iðkenda í viðkomandi íþróttagrein. Já Nei
- Á opinberum samkomum, í fjölmiðlum og annars staðar er þess gætt að bæði konur og karlar komi fram fyrir hönd félagsins. Já Nei